



10922

沅湘耆舊集卷第六十二

新化鄧顯鶴湘臯編輯

長沙毛國翰青壇校訂

張文登文炳 五十三首

文炳字質夫號南麓湘潭人康熙丁卯舉人仙居

文登知縣有隣獄堂集二十卷南麓先世居襄陽

其世父熹宦從何文烈公騰蛟軍積功至都督同

知文烈殉難湘潭都督收其尸藁葬於潭乃散遣

部曲獨守墓側不去都督無子以南麓爲子遂占

籍爲湘潭人潭人呼之爲新張凡新張之能文而

通顯者皆先生後也先生早負大名所爲詩甚多

沅湘耆舊集 卷第六十二

新城諸老嘗亟稱之張氏盛時門庭赫奕門才之

盛甲於湖湘幾於七葉之中人人有集自仙居以

下見是集者凡二十一人蓋其表治相承耳濡目

染淵源爲有自云王萃山史序質夫地寒交寡獨

爲尋章摘句一知半解一日予手所授詩進吾宗

新城先生讀至終篇筆署曰排宋入唐追蹤老杜

泊斗鹽

惡灘石盤擎臥立羅碾白水激無安流曲折穿竇走硯頑

不受鑿工匠側目久云有鬼神司日夜潛蛟吼舟師探微

泓捷便篙在手眼花誤一觸舳艫浮敝筍記來湘上遊五

年經過久豈不戒臨淵世亂命如狗驚定宿斗鹽謾謾風

生肘吹赴蓬萊顛方壺謁眉叟揖讓碧玉堂四面開戶牖
錯落九醞觴珍麟鳳剖侍立皆方瞳跪進桃如斗須臾
雲璈張音律世希有顧謂島上軒堪子讀書否清福非敢
期願錫中山酒醕然到太平奉親還故畝致我堯舜君求
我臯夔友志大恐難酬長歌答瓊玖白月爛天衢江聲鳴
耳右悠悠同泊人誰是君平後

茅齋書懷

雪淨山屐通茅齋起獨寤林壑止旭日冬春氣迴互陶然
展古書俯仰生愴慕經濟喪名法氣節衰章句老生腹牙
卷取給一無具旨哉隆中人大要領其趣得時則伊呂不
爾卽卜務胡爲咄咄夫而辱處士數慚媿鬱輪袍捷徑非
沅湘者舊集

卷第六十二

二

故步不見鴻鵠羣稻梁逐雞鷺朝陽有鳴鳳乃在梧桐樹

嶽路

朝氣林麓爽幽討露未晞耳目漸精細空響生清機祝融
半頂霞爛漫揚靈輝可望不可卽中道憩翠微巖巖亭畔
石斑駁字依稀指點念後來路是遊人非感茲一往前松
風莽吹衣

文松篇和李穆庵司馬原韻

有引

秦松出成山諸島嶼土人剷石移之百一二活者此乞

自林生植薰豕蓋邑賽先輩故物得之三十年賽以上

難更僕述矣呈之司馬聽事大加歎賞易文松名賦五

言古寵之余讀司馬詩得其用情之正有不能已於言

者遂忘其謬劣爲悲喜三章和之

扶輿鼓大化餘力斲海島吁嗟成山松異產志莫考昂藏
參天性偃蹇盈尺小霜皮青銅顏意態橫四表失勢托陰
崖因依但禽鳥日夕接汹濤虬龍氣虛矯磊砢寸土滋雨
露同辛蓼梁棟旣違材匠石誰見寶搜奇供清玩拙樸非
織巧移送翰墨林精靈互相保易名得所宜蟠根茲不老
祖龍朝百靈十洲盛瑤島骨朽三千年茲松獨壽考我公
神仙人齊物無大小益卉別貞幹品題皆意表方諸詭蟾
蜍曜靈冒烏鳥荒唐不經談正名弊斯矯抗節比冬篁飲
和異秋蓼寂寞真感知慘澹甯懷寶庶免霜雪威不露文
章巧遠志小草材藥籠葠木寶散逸時或求秀發邗便老

沅湘耆舊集

卷第六十二

三

靈蕉

縣北二里許有招提曰最勝植蕉二本垂八十年今夏
始花遊人山集以其不常見也感而賦詩

靈蕉賦殊種鳳尾文其名挺幹兩尺強秀葉蘭蕙成朝旭
影扶疏雨露含淒清已足供幽賞况乃吐奇英似華復類
實瓣若松花生照眼金盤陀結構浮屠精中出無附葩浹
旬開始成蜂蝶希見過烏鼠莫敢瞪觀者日千數驚詫不
能評我亦重歎賞竟日坐簷檻怪彼草木末乃與造化爭
方今炎暑令燦金火勢橫羣芳避鍛鍊殺物無重輕汝姿
旣超異後時且崢嶸保無斧斤患而櫻顧盼情歎久僧致
辭公論失持平天地有大德栽培傾覆并桃李喪輕薄松

柏全堅貞富貴早春謝隱逸晚秋呈至道在因材豈曰無
權衡繫我園中蕉植自萬歷正及茲八十年蓄極一敷榮
灌漑厚土膏冰雪飽孤莖瑞踰大同芝貴比江都瓊以之
獻 聖朝豈必非國楨名言信可寶會心別有榮修德祥
桑死指佞屈軼萌誰實主斯蕉守土與有聲願言任太和
憂盛而危明

易舟

一身等脫葉飄泊境屢遷入日渡黃河板閘更移船入艙
婦女聲鄉思紛糾纏敢爲兒女腸家園固所天綦縞共藜
藿貧賤本陶然胡爲慕高爵萬里走窮燕長涕謝京華乃
歌行邁篇陸地苦塵沙舟楫風濤前人生云幾何憂樂狀
沅湘耆舊集 卷第六十二 四

萬千浩歌返故山荷鋤有薄田

仲春中丞丁泰巖詩見招遍遊嶽麓諸名勝長句紀

事

原注公名思孔遼東
廣寧人壬辰進士

雲麓離奇插天碧混沌以來巨靈擘七星河漢應手探五
嶽崑崙比肩拍清湘一縷瀉涓滴滄海兩丸飛白赤喬松
拔地八千樹峭壁籠煙五萬尺四時爽氣度江渚二月和
風到遊屐晝燒宛轉水陸洲寶馬絡繹龍灣陌行春中丞
正艤棹脫略車從常岸幘翠微格磔鳥呼旭吹香綽約花
迎客低徊坐拂李碑字陵緬追持道鄉策工部禪房句太
古晦翁講院書猶積乃知大人屨紛糾實有孤懷求古昔
倚蘭亭曠小裁句流觴曲水微傾液賈勇還問地拖船探

奇尚論指鐫石虞夏文章煥星日神聖功名超竹帛息久
默識精遙契歸遲歷覽心方適白鶴泉長自委宛簷簷節
老偏奇特念佛鳥棲林木香銜花鹿過蘚苔澤百年勝事
幾登覽竟日名山眞愛惜授簡慚非座上才搜枯頗抱詩
中癖何時重跋執鞭鐙側聽豪吟金玉擲

沿冰行

庚午臈月正淺雪黃河千里水凍截我來熒澤尙晨飯脫
羈寂坐愁綫結廣文葉遠官最冷綈袍范叔腸偏熱千錢
不惜罄盤餐一醉誰能禁饕餮狂縱步看河冰滿目光
芒亂飄警聳者吃如水晶座坦若瓊階封玉屑鶴湖鷗渚
斂光豔珠海瑤池同皎潔洛神幽閉支祁倒河伯陽侯神

沅湘耆舊集

卷第六十二

五

力竭蛟龍失勢不得展况乃鯨鯢與龜鼈渡頭來往何紛
沓驚聽沿冰怪不較老翁藉草扶杖去少壯擔負手還挈
中間婦女笑且聳連袂牽裳妨滑跌北方橐駝如堵牆肉
鞍礮礮吐長鬪一荷千斤十夫力騰身直上殊猛絕軒車
後先來絡繹大引八牛小四驘車上健兒長鞭掉雲飛電
閃無停轍啖嘈人語那得聞忽有悲歌來激烈自從生長
大河邊田廬日夜憂漂折今年托汝慶安瀾俯仰得弄神
鬼設卽今大農河工重日費斗金憂聖哲淇園竹盡葦柳
罄持插入夫萬手裂沈牛賽璧樂埽合沙地迴看旋水決
安得此冰終古凝鑿渠建閘無崩缺內帑不支徭役罷兩
河赤子皆完顧野人憂國計誠愚僞生詫異眼尤拙立久

朔風吹衣單歸來殘杓還羅列明朝驅馬沿冰行惆悵未
與廣文別

銅雀臺

歲云暮矣冰不開豐樂渡改銅雀臺衰草亂石道路澀日
光黯慘悲風來黃塵白沙不復辨遊子鞭夫爭掩面狐狸
豎足作人行楊條撇擊如酣戰我聞臺建時雀身高丈五
左右兩羽翼火井與金虎氣勢軒舉凌蒼穹俯覩六合指
掌中橫槊賦詩列高宴一門父子何英雄業成身爲文王
足故漢將軍名不辱總帳歌吹望西陵百年猶上斯臺宿
丈夫英爽自不朽區區文字曾何有不見甕牖著書人窮
愁死骨還酸辛

沅湘耆舊集

卷第六十二

六

棗林間喜漲同蕭見龍廖于衡詹凱三邱碧上羅鄴
先廖浴芳作

運渠漲急防初罷舸艚日午乘流下柳青舊染新築隄水
白大湖小湖汊覆茅夾竹聚人煙生平識水不識田闌風
伏雨長宿舂沙鷗散盡鷓鴣喧二月三月魚族繁沈網一
擊湖水渾小兒跣足攜魚賣小女盪舟還入邨我來貰魚
更沽酒拂膾趺坐酌大斗耳熱烏鳥歌在口輕肥眼底亦
何有三目百里苦淹纏開口一板數十錢仰天大笑謝闡
吏吾徒出處煩公輩

望廬山作

楚江東下鄱湖落名山突起勢磅礴莊嚴直與秦華齊亘

塞蒼穹礙廣莫行雲欲盡日騰上半頂陰晴互吞蕩或如
螺髻或朱衣變化倏忽皆殊象低昂石骨斷復連洞天瀑
布懸中邊夕猿挂壁鳥飛墮輪菌藤樹相糾纏五老遙望
隔芳洲九龍萬杉紛誰留眼前匡廬面目不可識安事千
年靈秘竹隱之搜求我生七十二峯客燕趙梁齊遍足跡
茲來牽掣附商舟指點虛無徒歎惜神仙邂逅豈尋常風
塵歲月學易荒何時買棹尋白鹿還闕文公舊講堂

小麥港

麥港通仙里憐余生長村田廬多日別父老幾人存亂定
迷桃洞江清認鹿門相邀麗髮叟沙際話黃昏

螺山阻風羅魯一過舟小飲

沅湘耆舊集

卷第六十二

七

滿抱石尤憾來過幸有人開樽憐故里撫劍問前身鳧雁
呼曹冷蛟龍聚族親我生湖海客忠信謝江神

湖口

岸遠地無勢風長水有聲乾坤湖一角歲月客孤征彭蠡
望難及匡廬夢欲成我生青草客飄泊念斯名

雪歸草堂

歲晚嗟行路風嚴雪打肩鴉聲山木碎狸跡澗冰圓計拙
勞何補途長賤自憐空房藜榻在攜幼正蕭然

三山夾

帆落吳天暮三山夾外人蘆深蛟聚族洲近鳥比隣獨坐
擘鐙火微吟過鬼神江湖多異夢今夕不眠身

同陳北溟飲梁堦試園

自注園爲余
萊竹館地

董生園久閉蒼苔卜築多君數往迴歷架藤鋪新綠偏遶
籬花綴小紅來埋名誰識東方藥愛客偏饒北海杯爛醉
賦詩才自捷片雲頭上漫相催

送陳公遠歸安陸

江楓紅綻水初平送客沙棠一葦輕名士往來關世道故
人離合見交情雲深嶽麓題詩寺秋滿巴陵貰酒城歸到
莫愁山路黑叩門僮僕正歡迎

立秋前一夕家雲客過宿望嶽林

野寺張燈夜氣清先秋人到更移情捲書窗度梧桐月把
酒門支蟋蟀更十載同攜平子賦一門今重曲江名良宵
沅湘耆舊集卷第六十二
未負姜家被破浪明朝白舫輕

洞庭月泛

平湖七月儼涼秋不夜帆檣穩趁流萬里碧空涵巨浸百
年青草落扁舟樓臺隱現蛟龍語環珮從容帝子遊便擬
巴陵澆斗酒君山飛看一螺浮

黃鶴樓

最是牢騷難遣處浩然江上一登臺連天雲氣雙峯合動
地濤聲七澤來賦就浪傳鸚鵡手詩窮誰識鳳皇才鄉園
南望無多路歸去黃花次第開

仙關

自注入九
仙觀路

絕壑深穿水數盤仙關天敞碧雲端風來石穴雙門迴徑

入松陰七月寒雞犬人家閒白日煙霞事業老黃冠悠然
隔斷塵凡路笑指蓬萊到未難

九仙觀次郭素仲世兄韻

自注有九
仙飛昇壇

畫棟朱題儼玉清仙人遺跡一壇平林深採藥通三島夜
靜吹簫接五城石壁雲過翻鶴影礪門松老作濤聲移情
未覺芒屨遠飽飯青精帶月行

贈諾上人住曉霞峯

松關曾識已公房振錫新開選佛場峯峻天花容易落秋
高芋子最先嘗逃塵支遁添蘭若習靜曇摩罷海航好種
雙株追舊跡三車容我載書狂

東來同郭季璠遊曉霞峯海月寺因憶阿諾上人

沅湘耆舊集

卷第六十二

九

東來嶽氣靄江鄉積翠空濛認雁堂捫路有獅蹲絕頂過
溪無虎送諸方木犀風細搖金粟蒼荀霜深失異香清絕
名山人到少蛩聲浙浙午生涼
離離草徑石泉淙古寺寒煙澹客容踞坐海騰千丈月看
經人老六朝松扁舟自具秋來興折角還畱雨後蹤寂寞
支公禪榻在題詩愁殺曉霞峯

霧登祝融峯望日臺

萬里遙空一氣冥乾坤搔首此孤亭帝教洪水開文字身
到層霄問曜靈靄霧直如今日事和歌常覺古人聽銀潢
有石閒堪賞下界誰占犯斗星

下丹霞寺

名嶽常愁直遂過停輿山半叩煙蘿秦灰基址蝸牛裏
日鐘縣野馬多選勝客啣開筆墨聚書人指舊巖阿浮生
此處聊僧話呼婦寒鳩柰爾何

方廣寺

自注相傳西僧梁海住此有五龍
聽經以鉢送潭下又洗衲石鐫字

何年尊者闢荒榛瓣瓣蓮峯入望清洗衲石從溪下湧聞
經龍向鉢中行千門丹碧繁僧海一壑青葱擁化城安得
西來人再現蒲團爲我話無生

宿天台贈鐸庵上人

天台開士遠公流款客鑽林話未休眉宇靜飛雲霧氣機
鋒深觸鬼神愁毘盧有穴容龍象車轍何人轉石牛坐到
三更鐙欲盡妙高呼出月如鉤

沅湘耆舊集卷第六十二

十一

雨霽劉舜五總戎買舟偕羅子鄴先劉子希介亦濂
遊西湖作

舟窮路折接崔嵬萬軸千巖一幃開石壁佛閒花散雨洞
門龍老夜轟雷百年身世消清磬三月湖天熟早梅嫩殺
黃鸝嘯不得冷泉亭上卻飛來

遊萍鄉道中

層巒如戟擁孤城亂定猶聞話戰爭夜雪鵝衝元濟帳秋
風鶴報謝卒兵葢來茅屋新充戶荒盡山田尚名耕何事
子遺悲較甚鄰封連歲失西成

荒原景物但離離歲歎經過目轉迷卜宿鳩巢嘯故婦墜
崖猿背泣孤兒圖成南國監門遠粟朽西京汲黯誰太息

淚來還強飲書生原不合傷時

歸館雨作索一卷不得悵然有寄

簷風乍急雨聲連飄忽身疑泛海邊
四壁真成司馬宅一牀虛度子雲年
情深秘閣書如命望斷終朝突不煙
未信先生無暇刻重來休遣使空旋

六月十九謁海剛峯祠和陳滄洲壁間韻

日聽歡迎刺史裳瓊州祠下步斜陽
正思鷹隼生前氣誰縱蛟螭夜半光
曠世師資懸史冊百年主眷在冰霜
低頭老大還成拜建節何如且種桑

漫從風憲歎無雙 聖主恩波此地長
可但孝廉功獨茂

况兼詞賦遇非常天清木末棠堪植
月好金陵鳳並翔消

沅湘耆舊集卷第六十二

十一

受故人他日路三湘南海說齊芳

滄洲蒞信安任三日甘霖大沛爲之志喜

檐帷纔駐急輿情赤日青衢躡履行
主祀牘添新刺史焚香淚落舊蒼生
身從天上爭民命帝爲江南表吏名
坐看銀潢傾倒下一時秋水欲平城

不斷簷流靄積陰歡聲萬戶午沈沈
鄭洪早見親行部傅

說終期大作霖階靜一泓堪鶴浴
江清千尺有龍吟偶來

傳得天人訣自注晚論積誠動天
有壁立千仞之望感名須臾但此心

唐赤子追送石城畱別一首

清涼山轉石頭城自注赤子寓吳
四年云方至此覽勝君還送客行
吳地

自來多別憾楚人終古重離情
兼旬好事芒屨熟萬里孤

隴竇劍明旅食有閒臆琢句北來鴻好慰張衡

八月廿六日蟠灘判事畢有簡
數椽聽事擁官民肺石當空照膽真自信金來無暮夜誰
云筆落有陽春譁張人挾如簧口險阻天嘗百鍊身東望
仗公同調在談心今夕到朱輪

正月十九日王秋史杜馥溪不至

簷雀屢噪客不至寂坐疑慮交橫生豈有將軍畏人識卻
防學士怯險行糟牀玉注香潑潑墨池冰泮文庚庚急捉
大戶入酒國會擁偏師攻詩城

正月二十三日喜秋史過訪

海岸春遲柳未生寂寥門館暮煙橫馬蹏卻肯衝泥過屐
沅湘耆舊集 卷第六十二 三

齒還能破蘼迎白酒緩商衰鬢計青山寒隔早鶯聲漁洋

不作扶輪少何限山東李白情

自注公昔以拙集質阮亭先生蒙加特賞

悼內詩

清江流不到山村幽事無心向閉門荆布竟甘貧婦往壺
觴真媿酒人存階閒鶴只孤清影樹密蟬皆不化魂雅嗜
生平鷗茗在竹爐仍著六時溫

最憐兵燹共艱虞異縣依人宅一區

自注甲寅避居上湘八年

愁筆墨

多吾少賤嫁衣裳盡爾清癯干戈杜甫攜家似松菊陶潛
入室殊苦樂後生偏不驗終身拂亂一庸夫

可惜無成好伴分他時燈火誤慙懃辟纊福總妨廉士割

肉仁難及細君五夜夢回驚對語百年緣盡憾離羣物情

請察呢喃燕巢就雙棲亦自欣

何可蓬蒿路久違腐儒家計尙柴扉園桃澗竹愁中補酒
椀詩瓢別後非丸膽教虛公綽婦旨甘憂到老萊衣紛紛
欲盡人閒事地下還能一解圍

春日麓江讌集謀構杜陵草堂於嶽麓寺右時同事

者爲徐弼明趙念昔蔣幼李王孔嘉沈介山夏仙李
淇瞻禹書陶奉長天石陳獻元程衡若徐半霞曹鳴

大業珮璽吾邑劉五原曾虹受馬自超張錫田豈石蔚石

琴琳昆石寺僧阿諾二十三人

近江園坐芷蘭香隔岸雲峯碧漢長清絕湖南天萬古數

來名下士三湘耽幽句聽黃鸝外攬勝堂占白社傍薄暮

沅湘耆舊集 卷第六十二 三

澹紅含獨樹空明先對浣花莊

天氣佳連九十春招攜有約及芳晨難忘麓寺題詩客一

聚湘江弔古人新月荒亭呼酒地夕陽花嶼著書身名山

大業公如在竹杖滄浪許問津

劉克猷先生故里

萬頃平波望草堂澹雲微日晚蒼蒼江身漸東當全楚山

勢遙奔入大梁自注山下入里潞外帆移如過鳥蘆中人

語閒鳴榔百年上第文章在指點憑誰寄瓣香

方廣道中

半藉肩輿半杖藜曉風吹霧嶽初齊雙飛小雉矜新羽轉

向青林故故唳

陳恪勤鵬年

古體詩五十首

鵬年字北溟號滄洲湘潭人祖金臺遭難易姓郭

無子撫再從弟子式穀爲子復姓陳卽公父也公

成康熙辛未進士由浙江西安縣知縣調山陽擢

海州知州晉知江寧府所至有異政以忤總督阿

山下獄江寧士庶數萬人號泣守大吏署願代公

受罪小民爭致薪米酒炙填街塞戶帝爲之罷獄

解奉 詔修書又出知蘇州府署江蘇布政忤總

沅湘耆舊集

卷第六十三

一

督嚙禮再被誣劾錮於鎮江民奔走呼籲如在江

寧時 仁廟特旨昭雪仍命值武英殿修書出

署霸昌道旋 命辨理河工卽署河道總督兼總

漕事以勞得疾會 仁廟升遐公哀毀甚疾遂

篤 世廟登極實授河道總督未幾遂卒於工

所 上聞震悼優恤予祭葬諡恪勤 詔祀賢

良祠公性介特秉正嫉邪愛民如子屢忤上官再

刺 起再躡甚至摭拾詩句背語文致幾蹈不測賴

仁廟始終保全不次擢用遭際之隆古未嘗有

也公一意孤行百折不回而與人交坦懷樂易好

汲引後進孜孜如不及博學工詩善書法所著有

平大雅道榮堂詩文集六十三卷滄洲近詩十卷公詩和

平大雅原本忠孝根柢性情雖偶爾游覽之作皆

義助業文章照耀宇宙不朽如公者西涯以後一

人而已茲輯其古今體詩若干首入斯選以志景

仰然豈足以盡公哉四庫全書存目陳恪勳集

耦耕集者以舍北耦耕堂而名也水東集者以其

先人隴墓所往也蒿廬集者憂居前後所作也浮

石集胸山集淮海集者皆宦游地也于月集香山

集武夷集者皆往來游息處也未附喝月詞五卷

則詩餘也曹一士滄洲近詩序我師長沙公詩

不必規焉摹倣杜氏而默與之會由其性情篤

擊剛直學衲闊大鎮密政事豈弟精勤故見之於

詞時而沈雄悲壯時而容與流連時而藻耀高翔

類雖率爾游覽暗答未嘗不因以自見其志其與

沅湘耆舊集

卷第六十三

二

杜氏蓋水乳而臭味也

春日

透迤春日遲暄和晴光媚足不履戶庭但覺風景異百卉

既敷榮鳴禽亦時至雨過階庭潤苔花具幽意流惡汲井

泉輓轡抱寒翠微颺激洞戶虛籟發遙吹妙香晝寡營清

言夜無寐棊几窺道書松房展經笥既傷遲暮齒仍念衰

朽質嘉趣隔雲林遐心懸薜荔條風扇羣動物色滿天地

旭旦無私照陽和不我棄胡為鼠憂迫浩蕩獨如醉蒼茫

名岳遊拘闕尚平志五兩飄南風快意從此遂

潤州道院有述次韻和雷有章

奉檄赴京江吳趨正九日淹留挂彈章倉卒閉穹室永巷

高若城幽房暗如漆賓朋並羈紲坐臥僅容膝我鬢霜作
華我牀雪爲窟敝衣對僮僕念爾寒凜慄懣怨雖不聞夜
語苦啾唧踟躕踏天地閒曠觀得超軼寬閒性所樂鐙下展
殘帙翻念積歲勞暫假三冬逸恭聞 聖明朝湛恩本洋
溢有酒斟酌之春風慰憂卹

述憤詩九首

蓬生非無根飄落東海隅偶遭緒風颺徘徊青雲衢青雲
不可際氛霾與之俱黃塵眯四緒孤蓬黯愁余

伊昔乘虹霓凌雲排帝闈當關列虎豹清都闢重門一朝
去香案俯逐浮雲奔雨露復無私下及靡草根

蕙蘭本幽姿歲久生空林雪霜滿巖谷龍蛇蟄其陰採植

沅湘耆舊集

卷第六十三

三

君子堂相感在知音慎哉當門薶安知天地心

驅車陟高原蠶叢路險艱前蛇後猛虎四顧發浩歎于役
豈憚勞願予非盛顏遙遙我馬黃折軸何當還

葵藿生道周傾陽固其懷冀茨知晦朔敷榮帝堯堦屈軼
指姦佞非族性所排但患履霜至孤芳爲厲階

秋高日皎潔灑氣逾澄清須臾見陰凝膚寸雲霧生震驚
走霹靂破柱摧庭楹四序迭寒燠百物遞枯榮敬慎當疾

威明明昊天情

原田飽野粟黃雀嗟微禽日夕思報恩道遠殊苦辛精衛
力本薄何意巢深林海波渺汪洋顧瞻淚盈襟

攬鏡歎疇昔我生良不辰遭逢承平世罪戾蓋有因束躬

待斧鉞奄忽彌十旬

自注自奉十旬而議覆未下

嚴旨已天怒未可回恩

波浩無津巽命重遲迴已足感臣鄰永念衰病母江湖隔
昏晨恐懼心膽碎雨泣鼻酸辛上有

聖明君下有垂

白親

孤雲隨朔風飄蕩何所依中夜省過愆顛倒裳與衣往者
不可貴來者安可辭憂患苟玉成艱難貴深思咫尺懷冰
淵 天威凜在茲

白髭

憶從己丑春照鏡見白髭蹉跎又三載紛然如素絲念此
蒲柳質安比蒼松姿弱冠寡宦情此語識者嗤中年慕清
修噓吸探華池靈府未澄澈駐顏良已遲今年四十九善
沅湘耆舊集 卷第六十三 四

病筋力衰猶幸龜紐脫閒心亦怡準擬放歸舟春風盪
漣漪入門兒童訝顧盼殊昔時承歡學萊舞早乞南山芝
八月十一夜玩月

羈情散清宵幽意戀華月况茲凜秋分灝氣彌天闕未望
勢已盈際夜光轉發露涼風細細蕩滌星河沒深堂隔永
巷周垣擁突兀似破滄溟來宛轉照林樾尊酒話寂寥瑤
琴響清越美人其如何天風坐超忽

十二夜月

幽人靜少眠况茲佳夕爽秋期近三五連夜窺月上初升
澹簷櫺漸轉出林莽嬋娟來何遲清輝及虛幌遙遙風露
深漠漠寒潮長空山寂無人獨發鳴琴響

閒夕偶次白香山韻

燈前蝮蠅飛牆外流螢度霏微楚閒溼明滅花上露臥轍
無修眈虛庭縱徐步暑雨困歊蒸新涼在高樹言愜消暑
情益得閒居趣豈必懷邱園華簪漸非故

十二月初六日登大茅峯紀遊五首

十年望句曲神山隔縹緲得從閒放餘筇輿及蘿薦力疾
上九盤聳身出雲表始識大茅峯俯覺衆山小西南並天
目江甸蟠天矯鬱爲六朝都煙草青未了東有長蕩湖匹
練桂林杪長江與滄海夕照氣縈繚酒闌捫星辰夜靜天
悄悄

舊聞良常境東南裊天柱磅礴一何雄鍾靈半江潏左右
沅湘耆舊集

卷第六十三

五

陰陽池丹泉接懸圃天池老龍屈迂恠通水府時見蜥蜴
形爪甲微可數朝暮或暝冥雲霧任吞吐維昔因早禱齋
虔曾挹取蠕蠕見頭角拜祀敢輕侮竟虛雲霓望甚味馨
香主至今事惶惑奔走盜廊廡何如膚寸雲爛漫爲霖雨
霑濡遍江左歲歲歌樂土神其歆降祥膏潤及寰宇

茅君昔兄弟挈伴茲山岡不聞偕妻子同遊白雲鄉至今
三茅峯揖讓如雁行先世避秦客仕漢亦偶常上書恥梅
尉辟穀師子房同時拂衣去壘篋樂無方我來望白鵠雲
路高且翔天風悚毛髮海氣吹衣裳西來有停雲倚闥在
衡湘鵲鶴飛何急日暮多關梁青鬢俄以變采采禹餘糧
少年慕勝遊冥搜有奇癖健捷擬猿猴同行戲相迫豈意

二十年縑塵面如積捫蘿陟層岡猛進艱咫尺半山坐危
梯喘戰足盤躒笑此衰頽翁焉迓蓬島客山中老道士遺
我丹經冊字言豈不妙顧我非宿昔大藥本無資求仙復
何益偶來華陽洞似拔旌陽宅襍被萬峯頂西盼寒日夕
鐘鳴籟沈寂星動窗虛白陶然獨成寐清夢有佳適

夜火現丹光晨雲如海潮豈意茲遊快二奇並相遭雞鳴
攬衣起天門鬱容堯微白東南來雲氣如卷綃須臾遍西
北萬里皆奔濤誰令海爲縣孤峯戴巨鼇一線露赤色動
盪波光搖轉瞬半天赤鴻濛破碧寥紛如雪浪中湧出珠
盤高萬象倏昭煥玉虛獨迢遙岫嶺與黃海此景渺雲霄
不聞互寒節一似清秋朝飈輪或相命笙鶴如見招羲馭
沅湘耆舊集卷第六十三
六

不可追十洲母乃勞吾將事浮槎頽流閱滔滔

再至焦山

朝氣散林麓春來水生波遙山若相待靄靄浮青螺言從
筍輿出旋及桂檝過海天互澄霽風日柔以和招提本靈
境結宇山之阿旣攀絕巖石更捫雙峯蘿楚澤見歸鴻廣
陵聞櫂歌同遊飽香積信宿依維摩江流去不息日暮青
山多後來復幾時我勞當如何

余性畏暑兼患卑溼觸之輒病都下無力僦居惟依
棲郡之公館甲午冬計偕者畢集無置足地因移寓
其旁邑舍舍僅廢地一區破屋數閒而已屋旣頽塌
不能蔽風雨盛夏暑熱交蒸尤所難堪賴

命直武英日在涼堂廣廈之間每帶星而入昏黑而
返至則如坐冰壺炎暑消除樂而忘倦見者謬謂勤
於所事不知余以負罪餘生心力損耗詎能矢報萬
一亦聊以適吾志爾初伏五日爲詩十章索同人屬
和焉

短垣倚牛屋積土如邱陵敢思衾枕安旅久忘寢興帶星
上紫殿歸來已張鐙非不憚煩勞所畏暑溼蒸吾衰荷
國恩言報力豈勝念此廣廈閒夙夜滋凌兢
聖學歎高深光華照萬古闡發諸經奧細及禽魚譜我本
濩落人勤拙不相補敢負芻秣恩憶樊籠苦羽陳與獺
祭窺簾日卓午所憾老昏花目力難自主

沅湘耆舊集

卷第六十三

七

天門蕩微颺曉涼助清激摳衣白玉階迢遞想所歷金榜
高九重奎章得仰覲從容坐中禁萬籟深且寂晝刻轉遲
遲靜數銅龍滴

早來款段急暮返蝸廬忙豈知天上景彌覺白晝長一日
當兩日此語非荒唐顧我罪戾餘胡來
黼座旁俯戀安
樂窩神遊白雲鄉撫躬念疇昔側足以徜徉

秘府觀圖書西清集羣彥每分眾管筆拂試龍香硯月榭
步披襟風簾坐展卷四海如弟兄豈必同鄉縣自直金馬
門再上蓬萊殿十年不歸去鬢髮日以變叨陪冠蓋偷何
妨褐衣賤

御廚每絡繹珍味來六官猶蒙老中使日賜水晶盤會食

笑堂饌相將勸加飧媿我藜藿賜既飽不自安寸腸詎云
報雨露本無端願言千萬歲常奉朝野歡
稽首拜凌人堆冰作清供冰來高若山詎比君恩重六月
生寒風溼雲滿梁棟自聞納陰室本備尙方用盛朝特優
異賜出同侍從 至尊當盱食軫念及飢凍陰陽一變
理鬱蒸免積壅努力歲寒心對此懼將恐

今夏苦積雨兩日無半晴泥淖長安道狼狽騎驢行城東
破牆屋夜半倏已傾侵晨入廣堂坐覺塵慮清邈然人世
隔颯沓冰雪生爛漫散羣書獨荷 聖明情

心清澹無營晝長每多暇時從讐校餘偃息綺窗下渺渺
遊華息乍覺始驚詫豈意承明廬翻若東田舍茗椀淨霜
沅湘耆舊集 卷第六十三 八

雪芸香散蘭麝無煩乞旬休自足消長夏

我生迫善病老至肌肉消慈親髮垂白菽水日以遙誰云
寡宦情曲水魂爲消鞠躬凜愧負俛首事鐫雕豈不懷故
鄉忍別 聖明朝出入殿廷閒殊勝珥金貂言矢天保
歌拜舞慶簫韶

丙申除夜遣懷二首

三年客潤州四年客京邸瞬息七春秋飄飄等逝水人生
能幾何歲月豈堪此鬢鬢皓以白衰病消肢髓平生罹憂
患自愧蒙垢恥猶荷 聖主恩出入明光裏飽食大官
肉饑分故人米已足慰窮途老眼讐亥豕獨念定省闕迢
隔四千里堂上有老親膝下惟稚子別家廿載餘生計無

復理庶幾免凍餓那更問甘旨當茲歲云暮椒盤進滯隨
而我獨何人望閭勞徙倚長安重餞歲銀鐙照九市簫管
亦喧逐煙火竟天起羈旅三數人導酌聊爾甯嫌陋室
隘敢羨華筵侈君子善持盈小人貴知止誰能戀棧粟慎
自貪香餌條風轉閭闔承願明日始歸田南山南吾躬把
鋤未

終歲無一閒兩日獲休沐米鹽何瑣碎百務苦喧蹙朝班

兩知已高義等厦屋頻數分俸錢償散餘蓄用茲得高

枕傲兀慰幽獨自注在朝惟李蔚州少宰同年任衡阜御史二人分俸見餉經冬斷朔

雪一夕遍林麓入春雖六日猶作臘前卜地上一寸雪民

閒一尺粟此語誠不虛豐稔免祈祝老爲傭書人頭白頗

沅湘耆舊集 卷第六十三 九

羞縮胡爲致賤幅纍若牛腰腹剝啄時到門相煎何太酷

令我廢眠煇又復繼鐙燭僮僕亦咨嗟誰能脫桎梏乃知

名所悞巨細皆鍊束那得逃深山放恣同麋鹿

種草花

繚垣若王膝屈曲繞庭宇中央數弓地雅宜花藥補老翁

擔頭價青錢百四五散詩少行列林立頗媚嫵其如生意

薄柰此燼餘土慙勲樹葦菹掩蔽當日午冷冷汲井泉詎

足比甘雨吾衰困物役進退難自主遠慙抱甕人聊師灌

園父

秋霜百室壤我牆焉不頽鳩工荷畚鍤耶許相喧逐椽欂

屋未晝夜兩行復來稠繆貴早計撓折思良材阻絕南巷翁三徑生蒿萊

諸父方北來弟姪亦偕至遙遙四千里跋涉勞相視夜坐必燒燭團欒謀一醉豈若桑果陰分甘及童穉故園在天末茲願終可遂

入門路紆曲破塊成小畦雨後蒔嘉蔬地力本不齊溉種既甲坼化爲蒿與藜徒使露沾濡微蟲草閒颯長吟少陵句千載有同悽

燦燦園中葩秋至始嬌好感茲雨露私繁英得自保采掇娛賓筵微馨豁懷抱豈知霜信近搖落苦亦早落落松柏心歲寒固所寶

沅湘耆舊集

卷第六十三

十

秋苦聚兒曹爛漫羅圖史夜闌鐙火黯頗亦聒人耳賢愚何足計佔畢聊爾東田驅健犢食力良非恥莫羨西家兒髻年耀青紫

秋氣彌皎潔簷際新月光仰視河漢明大星亦煌煌白露沾人衣鴻雁倏已翔攬衣中夜起四顧爲徬徨徬徨在何許望遠天蒼茫

出門盼晴山遙青帶層郭靡靡阡陌閒澗道通略約秋花尙如繡秋柳亦未落髣髴歸墟里門徑互參錯豈必青鞵抵名山採靈藥

形神苦勞攘客去掩柴關賴此容膝安坐臥如深山遣慮謝馳驟棲心守冥頑呼吸擬龜息誰能駐丹顏茗香雜沓

陳髯凡有餘閑
薄暮烏唳林鄰家犬猶吠閒門戒早閉日入休負戴村人刈禾黍東蒙車盈載已見萬物成陰陽迭相代豈不懷故鄉艤舟未可待

同程肇岷徐飛六祝荔亭王慧音朱元發蔣壑南家
韜谷兄鏡軒坐月各成一首

卜地傍林垌愛此湖上宅秋風吹我衣明月照我席煙光澹如霽天水相與碧時聞鐘磬音遠帶漁樵客壺觴偶然集高興聊以適人生感代謝歡娛豈終夕渺渺霜露情徬徨念行役

沅湘耆舊集卷第六十三

十一

天光澹澄鮮灑氣明泱泆復此湖亭憩相與脫塵鞅夕陽漸西頽圓月乍東朗清輝雨激射淪漣若相盪居然人境中忽在鷗波上蒼茫見樓閣映帶生菰蔣更深輪已高露下寒彌廣疑隨羽衣客迴作遺世想同時二三子新詩共欣賞桂醕沾人脣金波落人掌百年逢此夕不醉吾焉往緬想洞庭秋長懷理煙漿

京江卽事

京江四月無雨澤井泉竭盡秧苗枯小麥待收怕久澇欲晴欲雨天踟躕長吏常如中風走朝向金陵暮虎阜上官箕畢好不同萬姓雨暘復何有黥壇擊鼓空紛紛綠草飛天天不聞晝夜乾風煽地裂昏霾沓氣成黑雲刈麥要晴

秧要雨天公惆悵難自主古時馳道遍天涯江上行人盡
塵土

十五夜月下作歌

江煙斂盡江水平山木欲脫山風輕月色秋光兩澄霽秋
山無夜無月明月華之山古月觀此地看月偏有情古時
月在古人去我獨住此觀虛盈自冬徂春歷長夏階前又
見秋風生月出逢秋倍皎潔秋來對月逾淒清金鏡無塵
玉山豁人影在地苕藻橫京口鄉風重拜月萬家華燭相
精瑩酒果絃簫走兒女繽紛香霧通玉京月姊徘徊素娥
舞藥兔罷杵蟾蜍傾吳質不眠桂花溼瓊樓髮鬢吹鳳笙
自散梨園羽衣泣嶠橋路杳無人行天寶傳聞事荒忽蓬
沅湘耆舊集卷第六十三

三

萊易淺桑田更琳宮琪樹本幽絕玉皇殿闕同水晶伊子
何人坐臥久九關虎豹空猊猊袒露中宵縱談諛酒酣大
叫天爲驚鈎陳蒼蒼列霓旌銀河超距鐵駟迎羽林壘陣
環碧城盪洗熒惑驅攙槍乘鷺往訴擬上征虛明洞澈孤
葵誠沈沈蓮漏轉璿衡河鼓搖柄天鷄鳴

紀事一首

京江九月地屢震二旬動搖無已時大聲如雷細如裂高
垣短屋愁傾欹居者奔逃各露立夜眠晝食咸驚疑遠自
維揚暨吳郡近從白下連瓜儀山鳴海沸一時並茲語傳

說尤怪奇

自注是年八月內淮南沿海十盤場海沸漂沒多死者九月內鎮江象山如牛鳴竟一夕我

皇御極本敬勝四海甯謐民恬熙江左偏隅蒙眷顧宵旰

軫念同郊圻今年御書垂誥誠協恭一語懸穹碑堯湯
年中水旱數天心仁愛良易窺此豈靖共失臣職紛紛災
祲人所爲江邊纍臣久廢置三年鼠泣天聽卑遙瞻北極
祝明聖嚴城戍角心酸悲

和江服懿飲焦巖觀瘞鶴銘建亭歌原韻

松寥宜晴亦宜雨萬里江流在庭戶主人選勝開層軒當
軒似看蛟龍舞酒酣散步焦巖巔誰云鍊石能補天割取
雲根入十字摩挲舊刻慚新鐫此物傳疑著江國華陽逸
少無人識豐隆肆虛海若貪但見光芒射斗極偶乘水落
窺坡陀殘銘幸不全消磨挽之重淵陟青嶂翼以危亭臨
碧波成勞本自衆擊出呵護千年龍象窟依稀尙見鷺羣

沅湘耆舊集

卷第六十三

三

書髣髴猶存鼠鬣筆回思汨沒波浪時萬仞鐘削非人爲
遭逢明時乃復見山海效順神靈知君不見寶物顯晦原
無端澤宮石鼓還舊觀又不見龍劍韜藏雙入水須臾躍
出澄潭底文通錘貂會有日莫歎采樵長困此洗盞何妨
傾十石歡呼勇角千金擲笑問蓬萊清淺無座中况有騎
鯨客

長相思次家濂村弟原韻

長相思苦離別三春不斷交河水六月長飛葱嶺雪葱嶺
交河隔萬山知君欲度古陽關可憐驚散深閨夢夢見深
閨人未還火州夜警銜枚走餉道懸軍車下守婦人擬欲
備晨炊令嚴不得隨細柳起來明月挂西樓織寄寒衣字

字愁功成亦有封侯日祇恐沙場易白頭

題王巖所畫墨蘭圖

我家舊住瀟湘渚空山種花獨延佇光風墜露曉窗前似
共幽人相對語廿年別去九畹春眯眼但見東華塵冷豔
孤芳忽相覲如返故山逢故人王郎好事王香客寫出一
天春雨色叢筠碧石劇蒼茫湘水湘雲遠何極

沅湘耆舊集

卷第六十三

古

沅湘耆舊集卷第六十三終

沅湘耆舊集卷第六十四

新化鄧顯鶴湘臯編輯

長沙毛國翰青垣校訂

陳恪勤鵬年

近體詩九十首

新春雜感

少壯金閨籍君恩勵素絲陸沈從世法烟幅是吾師天假
餘年健人憐拙宦癡撫躬慙報稱真負聖明知

鐵甕城邊路金焦江上山蛟螭蟠地軸豺虎亂天關皎日
羣陰散春風十畝閒煙雲儼圖畫蠟屐好躋攀

後園桃樹

舊日元都種依人一樹存喧卑鄰糞壤欹側近牆根曾染
沅湘耆舊集卷第六十四

重九後二日

匝月渡江去歸來秋已深白雲依舊岫黃葉滿前林鷄黍
鄰人會丘園隱者心一庵畱海嶽棲泊到於今天
地僻秋逾爽山空月苦明星河同汨沒江海自澄清玉砌
塵無染琪花露暗生高城眠未穩霜鶻夜唳聲
客到滄江上提攜問草堂傾筐流白粲開甕落紅香飽食
慙何補傭書醉不妨今年且豐稔安樂卽吾鄉

不到吳門弔星霜已數移虛慚鬱林石莫拭峴山碑騎竹
兒童待扶鳩父老知南園堪極目秋色正離披

近有瀟湘客仍闕稚子書老親聊健飯合室且安居素業

貧非病滿修晚不如無勞問歸計留滯又秋餘
夕雨初鳴屋山風已振衣不知爲客久但覺曉寒微草冷
淒蟲咽江空斷雁飛遙聞環羽衛信宿近郊畿
紫氣冠裳肅青詞日夜燒九關森虎豹三殿隔雲霄禱祀
情何迫馨香聽豈遙步虛風月裏深院靜聞簫
客居耽寂實秋至夜如年老眼依明鏡閒心付舊編鐙殘
餘豹腳閣小護龍涎明發登山屐今宵且醉眠

欲訪元符觀慙人識姓名未能忘鹿豕久已謝簪纓松下
看雲返巖邊選石行相期種瑤草吾擬向煙耕

除夕喜五弟西亭至二首

沅湘耆舊集卷第六十四

二

望汝俄經歲江干始泊船今宵餘舊臘明日是新年問訊
書頻展歡娛被穩眠老親知健飯白首對湘天

萬里需朝命三年客潤州別家長兒女垂老念松楸凍雪
連雲暗寒江帶海流團欒欣一醉重典鸕鷀裘

移寓城南張氏園亭留別月華道院二首

住此歲頻改乍移心覺悲蕭條仍逆旅輾轉又春時雙樹
聲如咽孤雲出每遲峯西煙月裏還與故人期

偶赴林亭約蒼然對夕曛東西如隔瀆南北本通村月觀
詩瓢滿秦潭墨瀋存虞羅方痛定來往識君恩

四月初九日漫興

農月已將半春寒猶在衣自注是年四月十二日方立夏廉纖梅雨過澹

蕩柳花飛別墅多幽事高眠得靜機
團樂見童裨燈火傍
林微

近傳寬大詔同祝
聖明君瑤鶴臨三殿金雞下五雲
湘纍蒙再宥益使尙無聞病渴
燈花裏中宵望轉殷
春雨鶯花老晴耽櫻筍香和風
催麥熟細雨送蠶忙田舍
眞吾事江南似故鄉微疴須
剗掃白日坐羲皇

龍潭道中感事

夾岸滄江色青山記六朝村喧晴打麥
市近暮歸樵故郡
瑯琊改仙雲句曲遙如何數豐稔比戶尙蕭條

鳳舸追趨日天威咫尺閒小臣依豹
罕累月共鴛班羽
衛宵傳漏期門日霽顏前驅蒙雨露
驚喜得生還

沅湘耆舊集卷第六十四

三

林篁如灑掃山鳥互徘徊又共庵僧話
仍憐父老來佛燈
千嶂繞行殿五雲開計日江村路春
船問嶺梅

送芝萱二兒歸應試事

此去三千里遙憐驛路孤桐江連釣
瀨蠡口近香爐白髮
秋強健青雲夢有無莫令姜被隔珍
重在長途

京江雜詩

傑閣俯城陰闌干每一臨曲阿秦郡縣
北府朱園林山色
分吳楚江流自古今春風滿天地無
限望鄉心

六月初五日聞再赦之命卽日北行志感

鐵甕經三載天書下九重戍邊方脫免
戀闕得追從一寸
丹心在干莖雪鬢封倚閭穿望眼他日
喜生逢

白下驚弦日吳門祝網時一麾仍罪戾再宥荷 恩私敢
負愆彌集冰兢過每滋本來無媚骨只有 聖明知

匹馬朝天去情知戀故鄉此身非我有失哺願親强老馬
途何識雕蟲技久荒百憂心力減何以報 君王

送靜默僧之五臺結夏

五月正炎熱山寒不可勝好將雙赤腳去踏萬年冰虎石
階前伏龍雲鉢底興欲隨飛錫住松雪路層層

冬日偶成

久作歸田客還爲賣卜人明時無棄物秘局有閒身橐筆
朝趨仗騎驢晚逐塵往來三十載鬢鬢漸如銀

聖世容閒放餘生樂太平不知天廣大但見日晶瑩細草

沅湘耆舊集卷第六十四

四

冰霜色春風葵藿情負愆虛報稱回首壯心驚

日昔鄉書到慈闈寄語頻但云依 聖主不必戀衰親白

髮三千里青山二十春異時舒舞袖無計話酸辛

弱弟年時別江帆幾再過遙憐孤雁影屢涉洞庭波南北

家猶寄妻孥累更多老親須定省甘旨近如何

兩兒秋試罷匹馬自南來豈免風霜苦猶令懷抱開周親

思宿昔田舍話汗萊莫擬將雛鳳歸棲念卻回

昔號五湖長今慙大布衣屬文官樣少閱世宦情微患難

知豪氣寬聞息禍機上林多茂樹烏鵲暮能歸

湘中偶懷

石村 自注在邑西南六十里余家卜居
此已五世舊名池子頭今日石村

世宅池頭地先人號石村青山在庭戶白水繞蓬門揖讓
風猶古詩書俗所敦別來耆舊盡他日見兒孫

濤谷 白注在石村西谷中多松每微風起如海濤
澎湃先王父構室其中顏之曰濤谷一曰儼
庵又曰蒿
松書屋

松風傳谷響晨夕亂波濤種樹始何日斲斧無乃勞竹深
三徑斷門靜一峯高廿載懷蓬藿斯人未可逃

二陟樓 白注樓在宅西面南先大夫所
築今蹟敷 御書皆在焉

十畝堪借隱兒童埽敞廬門留彭澤柳人識子雲居堂構
思遺業鉛黃有 賜書重山南望隔瞻陟渺愁余

漪園 白注在石村西北廣十畝池水四面環之渡
板橋以入池迴旋可二里兩岸植桃柳雜花
木萬株
曰漪園

沅湘耆舊集 卷第六十四 五

宛轉渡漣漪寒流曲曲迷中央置蝸舍夾岸有虹隄春暗

柳千樹雨晴雲一溪夕峯宜遠眺花外恰鶯囀

嶽堂蘭若 白注在石村南一里庵前有石高下平
列堆雲聳翠中可結數十跡跌座其上
竹樹陰濃不見天日春時
茶筍最佳嶽堂其舊名也

南嶽自茲遠古堂猶得名袈裟一片石鐘鼓萬山晴祇樹
逢初地蓮花拱化城幽人茶筍會春至獨關情

沅閣 白注在石村溪溪水至此曲抱如環中有地
一區先大夫擬構閣其開顏之曰沅而未逮
也

溪曲水沅沅過庭記昔聞此閒宜跨閣四面欲生雲碧藻

觀魚適青蕪數鷺羣晚山無遠近空翠落續紛

十松書屋 白注在石村東南半里地名望星鋪阡
所中岡阜隆起有松十株蒼髯林立先

曠莽高原上亭亭撫十松平田亂水色落日變山容歲久
龍鱗老雲歸馬鬣封野橋人近外微醉倚孤筇

本井神水東

自注在石村東北四十里先大夫先恭人皆
由兆於此有白鳥馴虎之異其地曰水東

拜別松楸久蒼茫一水東慈烏猶在樹馴虎不生風歌哭

天邊異悲歡地下同隴岡慙未表衰鬢已成翁

烏石寨

自注在石村西南三十里其高二十里宋
元末屯兵處故壘猶存先外舅石桐翁先

生有桃鵝山

房在其下

崛起自南服諸峯非爾儔平捫朱鳥影倒挂滄江流拾鏃

悲殘壘栽桃想故丘夢魂應戀此麋鹿與同遊

碧泉

自注在石村東南四里許泉從唐天寶開於
石罅湧出縱廣十畝銀砂噴薄投以瓦石輒

沅湘耆舊集

卷第六十四

六

成五色光怪陸離不可逼視先儒胡文定公謫居
於此作春秋傳其傍有僧寺及廉吏高竹山祠

湧穴從天竇環巖得地靈波光紛五色日氣冷孤亭僧定

鳥猶暝山深鶴未醒先儒遊賞處遺跡想鱗經

東霧山

自注在石村西南七十里頂有石泉精舍
余先世隱居讀書之所經世亂廟廡殘破

族姓尚環

山而居

路自中峯上泉從絕頂分曉窗明海日孤磬落松雲水木

知先德蠹沙話舊聞花源欣聚族努力事耕耘

半村

自注在城東里許與余城居
密邇劉楨燕先生別業也

老欲騎驢去歸為賣菜傭半村方咫尺鄰舍在過從郭外

止三里門前惟數峯巖壇幾人在江上有林宗山谷道人

偶到棲禪處悠然會道心
微風侵坐榻積雨散香林
世事此閒遠詩懷一往深
如何訪耆舊似隔虎溪岑

老馬

本非神駿骨聊有識塗長
芻豆需無幾風塵黯自傷
失羣煩躑躅顧主復騰驤
未敢期豐草天寒耐雪霜

守犬

豢爾七逾歲相依猶至今
酬恩義不薄禦侮意何深
勞苦司宵警摧頽見病侵
客居本垂橐敝蓋古人心

霜夕

霜淨月逾潔宵遲寒更深
孤鐙此危坐抱膝一長吟
陋室存天地青山自古今
蕭蕭南過雁空外有餘音

沅湘耆舊集卷第六十四

七

樗

樗樹古牆陰叢生託禁林
漸成宵漢勢徒有棟梁心
雨露知天大根夢得地深
當門戒蘭蕙鋤艾本相尋

廣武山中宗人所居曰陳家溝
去年曾一投宿今再過之爲題其壁三首

買山依廣武奕葉羨吾宗
拂枕河聲近當簷樹影重
戰爭傳漢魏質朴見黃農
未得期深入東南遍各峯

兩至覃懷路頗因水患多
洪流非故道比屋在頽波
目極桃花浪心驚瓠子歌
我行還相度遺躅在巖阿

每厯深宮慮仍煩敕使臨
輓輸軍國計飢溺聖人心
捧土慚何補迴瀾力敢任
攬衣中夜裏遑問二毛侵

野宿孤村遠，周門舊日過。尾闕方近海，甌脫爲濱河水瘡。
漁煙少，天空蜃氣多。生徒勞問訊，夙昔愧絃歌。

和王青原七夕詩原韻二首

鵲駕臨河夜，漸涼蛛絲繞。合漏初長，層霄競卜三雲瑞。深
院如聞七竇香，兒女幾人陳酒果。江湖何地覓津梁，平生
宦拙方祈巧，封事輸誠倩綠章。

片月西沈景乍涼，明河東隔路疑長。似聞軍帳旌旗繞，自

愛原田瓜蒞香。

自注天文書稱河鼓卽牽牛其旁爲左右
旗主軍中大將織女亦主瓜菓菜蒞星明

剛瓜菓熟故七夕以瓜菓祀之結珮輕綃迷玉渚，生塵細襪溼銀梁。年
乞與人閒，巧不盡天孫錦繡章。

沅湘耆舊集

卷第六十四

八

三月十八日送春和寓園韻

三月人傳十八日，春光別我已今朝。普天祝聖盡歡忭，
此地閉門何寂寥。罌粟闌珊過雨溼，楊花盪漾隨風飄。芳
辰代謝本流轉，塊壘與君時一澆。

十二夜月

石室高林夜轉清，瑤階如洗玉光瑩。不知天上秋多少，已
覺人閒月滿盈。一水蒹葭揚子渡，萬家煙霧潤州城。凌虛
準擬招黃鶴，碧落微聞羽客笙。

十三夜月

月華峯頂月逾明，十二闌干繞碧城。天近中秋長不夜，人
逢佳夕每關情。移庭荇藻滄波動，滿徑冰壺白髮生。舊夢

樵漁甘汨沒江湖何地更逃名

病起

平生善病老侵陵每到春來百病生對酒漸知無量減看
花常覺可憐憎連宵風雨寒三徑獨夜衾裘擁一鐙芋火
山鐘尋舊夢白雲深處虎溪僧

遲舍弟西亭不至二首

聞汝買舟鐙節後輕裝又下洞庭湖極知患難關情急轉
爲風波望眼枯禁火夜寒依墓樹停雲日晚待慈烏春帆
莫傍菰蘆宿細雨滄江響鷓鴣

兩弟扶持白髮新諸孫鐙火自相親從來稼圃爲長策不
信詩書解誤人井樹尙畱三畝宅封田空賸五湖身預期
沅湘耆舊集卷第六十四

京口同歸艇便向湘江把釣綸

邗上中秋

蒼葭暫隔南徐路明月初圓廿四橋鐙火又逢全盛日管
絃爭度可憐宵柳荒隋苑秋聲急濤暗蕪城昔夢遙寂寞
相如長病渴竹西無語臥僧寮

自維揚晚渡京江舟中雜感

三年荷戟待龍沙雙髮何知皂帽斜臣罪天通原負母國
恩山重本忘家秋聲煙郭聞寒杵日暮雲帆趁亂鴉且向
瑤階掃黃葉江心汲水自煎茶

一柱

自注茅山作

東南一柱俯層霄羅列諸峯萬壑朝白鶴不來雲似舊青

山如戀手相招三江底定神功在六代偏安王氣消何事
華陽誇宰相每勞丹詔下漁樵

寶華山寺作是日爲五十初度

捫遍丹梯出翠微山雲猶瀟瀟薜蘿衣每慙名姓爲人識漸
喜冠裳與世違半百浮生長是客十年初度早知非禪堂
夜靜深如海鐘漏沈沈聽轉稀

題羽士夏元長清溪琴鶴圖

清溪道士少知名每弄柔翰愛苦吟瓜步濤聲驚晝靜京
江山色到門深行天舊養雛成鶴煮石常畱爨後琴我有
岳陽無限酒與君期醉洞庭陰

移寓城南草堂紀興四首

沅湘耆舊集

卷第六十四

十

春移襟被又南城林壑偏宜野客情風靜庭梅時吐豔日
長山鳥不知名寬閒天假容疏放窮僻人來少送迎倚遍
欄杆看池水連宵新雨細泉生

三載南徐歲月新寓居更喜接芳鄰異鄉未必非吾土廣
廈方知有主人白水青山爭入座濃花嫩藥好禁春燈前
華髮悲歌裏爛醉何妨久客身

天涯親串得追陪近喜湘帆舍弟來靜夜琴聲清到枕高
樓山色對銜杯從知仕宦無黔突誰憶江濤有怒雷黍谷
陽春恩浩蕩林風先爲掃莓苔

北堂遙隔楚雲西遠近浮槎理亦齊豈有園官供菜把仍
催穉子樹雞棲寄奴奴在泉堪汲丁卯橋荒路不迷比似

成都畱杜老居人指是浣花溪

江干

愁雲毒霧鎖江干院落沈沈晝景寒
貌虎千重森鐵甕宵
霄何日下金竿迢遙肺石呼難徹
寂寞丹心淚已乾
蟣蝨一身天萬里仍依北極望
長安

沈文愨德潛云忠愛之忱時時流露故終免於難

與許謹齋都諫夜話

琪樹琳宮鎖寂寥逢君燒燭坐寒宵
三春華髮棲江表五
夜丹心戀 聖朝禁闥似聞憐
讜直湖山自合老漁樵
鯉魚風裏桃花水共聽南徐早晚潮

直歸

朝趨金馬暮衡廬都市形容兩鬢疏
久謝鄉心隨雁鶩新
沅湘者舊集

卷第六十四

十一

兼寵命領蟲魚傳殮莫擬彫胡飯
下直仍乘薄笨車已覺
昏花成老眼夜窗篝火惜三餘

乙未元旦次吳見山庶常韻

宮帖輝煌報改年鑿儀初設鳳城邊
常時舞蹈趨三殿近
侍傳呼自九天朝散御煙隨野服
步歸晴日照華顛
虛慙珥筆酬 明主不擬襄陽孟浩然

草花

隙地花宜雨後栽草花攜自擔頭來
青錢一百甯能惜
白屋三閭相向開帶露并華須數汲
傍簷籬竹與深培
晚風涼月堪消暑一度詩成醉一回

飽食

四年飽食大官廚報稱由來一事無自擬螟蠓遊聖世不
妨天地老狂夫囊書橐筆星初落布被匡牀日下哺卻喜
近時來往絕蓬蒿車轍少傳呼

春深

春深真覺日遲遲庭院無人獨坐時上架葡萄初放葉傍
牆桺柳細垂絲幽居漸喜將迎少多病方知嬾拙宜最憶
故園當穀雨茗香新綠試槍旗

三月十五夜月下感懷示芝萱諸兒

自注是日爲亡
室誕辰下世已

三十有
四年矣

天涯見月幾回圓腸斷金波忍更看不信年深雙淚盡又
驚春老百花殘重泉未妥松楸夢往事空思并日寒隔世
沅湘耆舊集卷第六十四

七

兒孫今眼滿燈前細與話辛酸

己亥初度

曉霜頰上鬢邊絲瀑直吟鞭冷莫支老態又逢初度日餘
生猶及太平時兒孫一室歡呼繞菽水頻年省覲遲燈燭
尊前兄弟共南瞻遙與祝期頤

庚子元日

五雲佳氣迥嶙峋待漏螭頭拜舞新白首自矧依雙葉聖
主丹心何分屬孤臣天餘芸局寬閒地老作金門嘯傲人
眼見條風行解凍一般同享太平春

初度述懷四首

出趁晨鴉十載同西山煙雪曉空濛孤棧漸射扶桑日廣

莫仍吹破帽風豈有涓埃酬 聖世敢將衰病惜微躬
書坐對南窗下苦習蠅頭老未工

款段歸休日尙晡西來頽景望桑榆埽除自愛門庭潔
碩終憐竹柏枯那得殘年看射虎不勞歸興倦思鱸陸沈
金馬尋常事只恐頻煩索米呼

一再添丁語笑喧客中差得長兒孫 自注時萱兒芝兒各舉一子同客兒孫男

四人亦知婚嫁情難了且看扶攜樂尙存朔雪連宵清旅

夢江梅幾樹亂鄉魂故山此會遙相望白髮蕭蕭正倚門

週甲於今隔兩年停雲南望倍茫然艱危莫惜頭皮在老

大空餘骨相堅畫裏青山城十二鏡中華髮丈三千兒童

拜舞 君恩重饒醉深盃尺五天

沅湘耆舊集 卷第六十四

三

十二月初四日滎澤渡河將返淮浦和壁閒韻同王

慧音作二首

平原風急曙光微南返人同胡雁飛斷柳如蓬迷古岸驚

沙似雪洒征衣蠲除再徧冬無麥 自注時山左河南北入冬皆少雨雪昏墊

初離晝掩扉莫待繪圖重請 命恩書昨已下皇畿

蚊負衰頹力本微河防驚捧壘書飛 自注時以十一月十二日聞署理督河之命

子二十一年散地頭如雪一夕孤臣淚滿衣 詔自田

閒趨幕府恩從 宸斷下綸扉漕渠今古道南北那得循

流達帝畿

冬日感懷

河淮重寄寵旌旄方略頻傳霄漢高中夜扁舟偕畚鍤經

年匹馬狎波濤廟堂正切宣防計簿領仍懸撫字勞漸看
海疆今沃壤桑田見女獻春醪

沈文愨云此為從事河工而作乃當日事也下二章

追念前事

清時稽古獨優崇詔許諸儒集禁中花發上林春窈窕雪

晴阿閣日曛曉直廬夜檢青藜照講幄朝呈白虎通痛定

湘纍慙報國皂囊無補但雕蟲

文愨云此懷武英殿修書而作

平生夢落五湖邊竹馬重來事黯然蠲賜歡聲方動地滯

淫秋水又浮天東南財賦無籌策士女嬉遊有歲年春樹

萬家煙霧裏白公隄上每流連

文愨云此懷治吳舊事而作公先為郡守復署分藩

故有竹馬重來之語

沅湘耆舊集卷第六十四

西

沅湘耆舊集卷第六十四終

新化鄧顯鶴湘臯編輯

長沙毛國翰青垣校訂

唐員外崇勳一首

崇勳字志齋衡陽人康熙辛酉舉人歷官興國州

學正山西榆社江西靖安知縣擢戶部員外郎有

山居詩集嶽蔭堂集

易宗各序唐志齋詩出入於高岑王儲之間而時標新穎

比年謝政歸里日以文墨自娛讀其山居秋興等作其氣識固已高出尋常矣

再飲觀湘亭

古有河朔飲避暑聊一醉茅亭新結構郊外炎堪避俯挹

一江清遠來萬山翠我愛此亭僻咫尺氣象備招攜遍勝

沅湘耆舊集卷第六十五

侶少長來不次坐上有黃冠高標若無二雲影俄渡江清

陰相覆被隨風去復還恍如駕天駟炎氣頓欲失彼此各

揚輝興酣發浩歌人生渺如寄江流亘晝夜誰與挽其逝

偶思排決功行其所無事而况在吾黨詎可鑿其知良會

共率真登臨晰斯義

彭教諭祖訓三首

祖訓字佩蓀號涪東澧州人康熙辛酉舉人鄖西

教諭有拙存齋草海上吟燕遊草等集當吳逆亂

後與其外舅龔遇遲亟成澧志蓋亦畱心文獻者

也

刻木山洞

卓午不見山積草露巖隙一孔逗如箕下睇杳莫測直下
可數丈一徑依山劈呼童然松炬以火燭深黑火力所不
到兩眼便如墨狹卷盤珠蟻不記幾曲直低劣僂腰脊高
妨觸額額竅應聚山魅響或嘯木客陰風作陣來毛骨爲
悚惕倏忽得高敞懸空石欲擲微光亂星點天眼窺石壁
仰視一空室天花儼綴幕坐象騎獅侶仿佛見形迹其下
有深潭饑懶閒隱匿墨光隱寒玉作響怪幽寂遊侶懼險
難欲去那可得直上蟠一木恰補巖石梯梯緣身漸高風
吼愁崩割憩坐倚巖戶所歷足叱嚇伊昔承平時此境何
未闢末季採樵子偶此窺仙奕因逐狡兔入喧傳遂嘖嘖
導火窮其罅猶拾片斷戢始知疇曩代曾爲避兵宅吁嗟
沅湘耆舊集 卷第六十五 二

亂離人入地愁無策得茲山可棲家室免鋒鏑造物一何
奇神工巧剝剔太息者久之歸路西日昃四山寂無聲數
點殘星白

同友人遊一葉庵

步出城西門一望平疇接澧江抱前帶澹水環右脅居人
事種瓜町畦閒周摺四圍盡深沼小橋便利涉萌庵樹其
側形宛如一葉泛泛荷蒲閒曲隄儼繫蕭然磬魚聲竹
裏茶煙泄西來山無數當戶湧稠疊嘯詠倚枯藤幽翠上
眉睫老僧有題句佳言四壁帙

原注僧對可書聯云一葉不隨流水去片雲常伴老

僧

閒橘實垂磔柯水鳥驚翩捷欲歸不能去返照閑雉堞蘭

江水清淺歡言弄舟楫

頽窗敗壁掩藤蘿，經亂其如定慧何。
螢渚漫嗟車子少，虎溪還服遠公多。
空山霜月三竿影，流水淒灘幾折波。
別久不妨通夕話，詩成擊節任高歌。

簡徐溝能五首

能字坤若，湘鄉人。康熙甲子舉人。官徐溝令，有帶
江堂集。坤若官徐溝時，以才見忌，坐是罷黜。其子
自彬，徒步數千里，白父冤。人多稱之。坤若詩有奇
氣，嘗作長沙怪氣篇，紀吳逆之變，洋洋數千言，悉
溟亂本末，可補史志之未備。近體如危樓云、四月
微涼生夏簟、五更噩夢著寒灰、舟行云、踟躕清江

沅湘耆舊集

卷第六十五

三

猶鳥道，陔陀水國有蠶叢。臨流云桔槔，分灌爭餘
勺。蓑笠過歸，避急湍，皆不作常語。自彬字去勝，亦
有名詩，今不見。

我有行

我有美酒如瓊漿，銀鐙照耀牀頭香。
老僧解意親滌觴，酌霍起登胡牀。
憶昔庾公在武昌，南樓清景生雲光。
樓中少年不可當，欲避未避同趨蹌。
東接洞庭西滄浪，下看鄂渚蛟龍翔。
臨風洒洒弔英皇，憑陵赤壁呼周郎。
何賢何聖皆酒鄉，此老一去南樓荒。

黃鶴行

黃鶴黃鶴何時來，赤鳳西走金烏催。
仙翁愛酒煙霞開，黃

鶴一騎驂雲雷鐵笛橫吹壯士哀積風負翼孤徘徊我聞
鷹獻楚王臺鵬雛毛血如雲堆仙翁招手呼天台黃鶴黃
鶴何時來

旅夜

襖褐春殘冷尚侵雙龍何處問升沈乾坤有夢歸黃鶴山
水無情到素琴及此應謀良夜醉他時空有白頭吟稍聽
紫陌須臾靜深夜輕寒半不禁

山居

卜宅天門近五峯前臨溪水碧浴浴魚龍作意橫三月土
穀隨宜課九農正壑自然無洒埽芒屨隨處任從容子眞
谷口堪誰侶坐對前村偃蓋松

沅湘耆舊集

卷第六十五

四

雨霽初望

微雨翻秋萬壑哀朝來霽色向人開坐看虹影兼天出側
聽松聲卷壑來蜀道兵戈難重入荆門節制莫相催岳陽
已逼波濤落寸斷烽煙埽卻回

郭榮河金門

一首

金門字黃瞻善化人康熙甲子舉人官榮河縣知
縣嘗爲嶽麓山長

宮詞

春夢多驚鳥輕風慣掠衣簾疏殘月露門鎖落花飛燕小
隨風墮鴉迷認柳歸漏深還悵望清影爲誰依

祝軒齡一首

軒齡字雲麓陵人康熙甲子舉人官知縣

登嶽麓山

峽口清風拂袂偏丹臺綠壑俯亭前松關攜客登樓望石
室看雲借榻眠幽鳥嘯添杜甫興野僧詩結遠公緣推窗
歷歷江城遠坐聽疏鐘起夕煙

鄒文安有燾一首

有燾新化人康熙甲子舉人官文安知縣

沈郡伯實政詩

黃堂高與五雲連賢守清操謹一錢入境風能驅虎渡窺
廚釜僅有魚懸人因犬靜安花影士競龍登問草豈有
盛名爭赫赫須知王道總平平

沅湘耆舊集卷第六十五

五

魏舉人時魁一首

時魁平江人康熙甲子舉人

甲寅避寇棲漂水巖

干戈日逼步層巒巖下漂流石髓寒脊白雪花飛晝永滴
壺清漏徹更闌霏霏玉屑雲閒落歷歷珠盤月下觀如此
名山佳景况相逢何事亂中看

王武義祚對四首

祚對字山長華容人康熙庚午舉人武義縣知縣

有見山草堂詩文集

君山懷古

翠螺一點縮湖天雲水蒼茫境欲仙巧割鴻濛開碧島方

排波浪湧青蓮冷風淒雨斑修竹荒草頽巖泣杜鵑浪說
湘娥埋玉地千秋孤怨漲洪川

太白仙才號謫仙杜韓老筆遜清妍一腔奇思天同邈永
夜深杯月與圓豪士肯消湖海氣孤蹤力結水雲緣君山
剗卻君方快一醉千秋亦可憐

赭山舊怨巖秦暴七日擒么事亦奇一旅雷霆號令入
山草木儼鬚眉肅清江外聊臣分零落湖堧有廢祠汴水
於今尙嗚咽六陵寂寞雨風知

滇鯨南擾夕烽連寒冱霧霾近五年颶徧黃旗昏日月堆
殘白骨靡山川元戎計決江邊壘逆寇兵銷嶺上煙獨苦
滄湖膏碧血不隨春水化嗁鵑

沅湘耆舊集

卷第六十五

六

劉信豐宏鈞一首

宏鈞字滄石安鄉人康熙庚午舉人官信豐縣知
縣有惠政卒於官著有鶴陰堂桃水偶草

武昌舟中卽事

青山媚如鬢春水平於掌半月武昌船鷗鳧闕來往篙工
無定程意致隨雙槳得石卽維舟逢沽便脫氅舉白酬客
懷天地邀同享醉來雲澆胸夢回鶴送響偶爾蘭香飄靈
均發孤想笛聲洞庭來東風漢口長誰知是中人江湖抱
痛癢

周舉人命圭一首

命圭字搢九號湘門鄙人康熙庚午舉人其祖士

儀令公有盛名與王而農先生交篤所著有史貫
野獲編及碎琴蓮吟杭遊雜詠南行句紀秋感山
居諸集晚歲築藿園終焉嘗語人曰藜藿吾所甘
莫年當愈篤耳余採其詩入明代以從其志其弟
士儼若思士偁靜軒入本朝皆以選拔得官令
公父祉亦名宿也爲流賊所執令公泣請代後士
偁與兄儼又被執兄弟爭請死賊俱釋之蓋世以
文章行義稱於鄉者也湘門少孤令公親教之十
歲能爲文年十九舉於鄉三十有三卒未竟所業
人歎之周氏世居衡陽故其詳具見衡陽縣志云

石鼓打魚歌

沅湘耆舊集

卷第六十五

冬

春明三月風綽約江平於掌魚競躍艇子千杼
奴乃聲時人漫道漁家樂漁父家住合江側江合蒸湘志清濁濁流
泥滓入清流掩映清流繞晴郭密罨數畧懸碎石引繩羣
向幽潭攫亦有施餌挺又入烏鬼攔江吞且嚼巨鱗鼓翼
揚鬣過衝波一躍難籠絡囂騰坐視可若何獨有鯢鮪俱
取掠鯢鮪數被大魚吞出淵忽忽嬰其虐可憐慨釜恣烹
煎更傷鮑肆成枯索暴殄天物詩人哀作歌寄諷今如昨
昌黎又魚興偶爾海上文章驅鯨鯉只今鯨鯉江湖徧何
必惡溪始名惡我歌頰尾何足云萬斛韓潮不可作

熊舉人超一首

超字班若善化人康熙庚午舉人與同縣李文昭

翻朗軒邵陽王元復能愚寧鄉張鳴珂玉友交以講
亦半對學鴻皆一時儒碩也有三樂堂文集韻語非所習
嘗回天意也聖題自西送王大令之官劉陽
儒林文苑兼循蹟重綰銅符出帝鄉黃鵠磯頭添候吏青
楓浦上遲仙郎官橋細草含風軟驛路幽花過雨香須識
窮簷望霖雨好將經濟作文章

劉山長大撫一首

大撫字中敬劉陽人康熙丙寅拔貢庚午舉人會
爲嶽麓山長

讀書嶽麓院中自注時

沅湘耆舊集卷第六十五

七

高山流水足幽音日傍南窗調素琴
嗚鳥一聲清晝永古松六代白雲深
下帷遮莫窺三策走筆猶慚賦上林
抱膝空齋何所有涼颺謾謾伴孤吟

劉錢塘淇二首

淇字竹偶茶陵人康熙癸酉舉人官錢塘知縣有
政聲歸後嘗主講嶽麓

秋夜泛月

潦倒秋空看月明橋來一葦較多情
流雲下嶺峯無礙虛響回天樹有聲
鷗自沿河隨釣艇濤如鳴咽入茶鐺
誰家夜半凌霜笛楊柳紛紛水面生

偶占

溪上聞人聲山陰看古樹幾峯瘦不堪正在層樓處

陳舉人應元 五首

應元字借庭武陵人康熙癸酉舉人有滄螺草

讀史

伏波器晚成擇君一何知生平多壯猷已足償夙志辛苦浪泊閒仰視飛鳶墜回憶少游語浩然發長喟此時早息機身尊名亦遂奈何請征蠻頓忘前日瘁是翁矍鑠哉帝已相輕試賢臣遭聖主終始滋疑議寄語功名人保全良未易

闍寺毒縉紳燎原不可邇亡命走外黃望門亟投止破家爭相匿惟恐弗爲死壽考與令名兼之何爲爾達哉孟博沅湘耆舊集 卷第六十五 八

母恥作老牛舐林宗不危激亦頗事臧否僅能保首領實愧徐孺子置身在雲漢泥淤安得滓太上本無名有名非名士

上已過李子受先生和原爾甯錢健庵兩先生韻
令節初過一雨殘流杯恰喜漲清湍人如羲獻蘭亭集地比王裴輞水寬好鳥數聲煙裏過閑雲幾片竹中看龍門此度雙眸闊不敢登山五十盤

贈道士

道人久住萬山顛不煉丹砂不學仙夢覺日高門未啟破雲幾片蓋頭眠

鄴中口號

西陵煙雨鎖空濛銅雀餘香想象中莫道忘情人可學雷
連兒女亦英雄

張平度瓚 五首

瓚字爾石一字錫田湘潭人康熙癸酉舉人官高
邑知縣陞平度州知州爾石與蔚石昆石兩太史
皆湘門先生同母兄弟均以文學顯爾石初官高
邑治聽事掘地得一石上勒爾石何來四字亦一
奇也

月夜至湘陰次華六夢鹿原韻

擊楫輕千里歸帆自遠天暮雲青竹戍夜月洞庭船岸火
近偏暗蘆花秋更妍故園風景好相對已悠然

沅湘耆舊集 卷第六十五

九

出都和陶奉長南歸原韻

饑驅病馬挂征衣生計蹉跎與願違北地風塵慙駿骨南
山松菊有荆扉林鶯百轉偏憎客官柳千行正拂衣三月
郵亭前路遠晴光細逐暮煙飛

塵沙黯澹欲魂消孤負三春勝事饒豪氣未除猶逐鹿好
音難變尙鳴鶡敢云有意憐同調深愧無才託 聖朝歸
去洞庭春正晚扁舟遙盼岸花飄

昭陵灘次張質夫原韻

江頭落日照平沙岸曲帆迴帶影斜撥刺魚驚知石磧依
微火聚認山家一舟危渡如天上雙槳輕搖送浪花險絕
不須驚濫瀕蛟龍眠處慎無諱

馬上口占

靄靄寒煙澹落暉
幾行官柳綠成圍
長安春色渾無賴
鴉鳩聲喚客歸

屠曲陽南 一首

南字扶九武陵人
康熙癸酉舉人
曲陽縣知縣

齊河雜述

別院春風不肯關
嬌鶯自嘯透重闌
夜深狼藉花多少
誰念霜侵荳蔻寒

簡華陰廷佐 一首

廷佐字霞三邵陽人
康熙癸酉舉人
官華陰縣知縣
縣行取部曹未赴卒
霞三官華陰時山陝兩界爭

沅湘耆舊集 卷第六十五

十

河波灘地成大獄
積年不解大府檄往勘
片言立泐其明斷
類此喪歸華陰人
傾國泣送有直抵邵陽
辭之不獲者其得民如此

寒夜宿友人草堂分賦

寒風敗葉不停吹
偏待山窗對話時
曉約霜林驕醉客
夜畱殘雪賀新詩
山中客去琴無語
松外雲歸鶴未知
懷抱千秋多磊落
此閒丘壑未多奇

劉教諭上進 一首

上進新化人
康熙癸酉副榜貢生
官永明縣教諭

上沈郡伯

卿雲早已映三台
名世何當出守來
鉞刃暫煩臨錯節
疲

眠爭說上熙臺解懸偶試回春手作郡還須命世才獨愧
菲封遺下體李桃到處藉栽培

夏武舉文毓二首

文毓字澹永善化人康熙癸酉武舉著有葵齋詩
集

酬曹中玉

亦有登臨興長懷謝眺詩看君幽賞處當我臥遊時歲月
消書帙風花感鬢絲歸舟何太急華嶽動秋思

登龍華觀

暮秋今日爽好訪梵王臺路曲因峯轉門幽背水開避人
羣鳥亂采藥一僧回空響風生樹如泉出谷來

沅湘耆舊集卷第六十五

十一

王河源盛德二首

盛德字芳樹號補村零陵人康熙丙子舉人官廣
東河源知縣有石園詩稿豐樂樓集其以豐樂名
者宰河源時旱禱雨立應民爲建豐樂樓以志不
忘因以名其集也石園有治才長寧闢巖邑多盜
大吏檄之兼攝石園請以兵往盜聞遠遁有紀事
詩云白面談兵怯紅巾恃險驕又云巖城森萬隊
坐擁一書生其風概如此

買舟載酒遊袁家渴

灑落瀟湘裏幽期一往深長松撐石壁絕壑瞰江心人影
寒光亂舟迴翠靄侵興酣不易醉狂叫酒頻斟

天匠何年斧奇橫，瀟水隈深從無底。出險欲破江開，嵌石凝堅瘦衝濤。厭湖洞歲，麩存柳記此日。但莓苔

李學正殿樓一首

萬里樓殿樓字雲樹，新化人康熙丙子舉人澧州學正學

正之父作梅字子和前明文學豪俠仗義有功鄉

里事繼母以孝聞，余爲題其祠，所云於國爲遺民

於家爲孝子，於里爲功臣者也。學正治經有聲書

法尤善詩，非所畱意也。今止存一首。

寒食上李子將先生墓

莽莽郊原外，蕭蕭古墓城。有身爲幻象，脫去始全生。雲氣

四邊合，嶺頭千樹明。遺言常過問，腹痛不聞聲。

沅湘耆舊集卷第六十五

三

王舍儲之錡三首

之錡字孔嘉，湘陰人。康熙丙子舉人，累官江安十

府糧儲道，有集。

壘石山夜雨

屏巒驅雲至，江邊鎖客船。黃陵陰接地，青草雨彌天。曲岸

魚爭聽，圓沙鷺穩眠。明朝看水勢，新漲定潺湲。

舟泊湘城

萬里歸遊子，斜陽送客船。水迷三里霧，帆飽五湖煙。旅夢

畱前浦，鄉愁擲別川。遠籌舟泊處，還近酒旗邊。

雨夜獨坐

穩坐空牀，夜氣清虛。窗滴瀝，自分明。壁蟲乍響，秋無力。樹

鳥驚翻夢有聲野史讀來供醉眼
燈花飛處送閒情如何
溼盡天心路雁到衡陽不肯行

舒新城宏訓二首

宏訓字慕衡溆浦人康熙丙子舉人官江西新城
知縣歸後結廬二酉山玉華洞有友雲堂集

懷玉華洞

洞天三十六何者是仙家
夢覽仇池勝疑乘碧漢
槎名山原太古法象踵增華
猶憶初遊日溪流幾片花

聽山

神龜未出洛山體已昂然
陰洞疑無地懸崖欲到天
猿嘒幽澗裏僧老白雲邊
戎馬郊原亂惟茲獨保全

沅湘耆舊集卷第六十五

七

